

## **OTUTUN SENI KEPINA NO. 20-22**

### **MUMUTAN AN EPWENE PWOPUTA SEFAN ANGANGEN ANISI TUMUMWUNUN SAMWAAU ESE ATAPWANAPWAN FITI AEAN EKKEWE PISEKIN EPPETIN SAMWAAU, IWE PWAN SOPWOSOPWONO NE EUKUKU FANSOUN CHUURI MI SEMWEN FAN ITEN EI CORONAVIRUS (COVID-19).**

Non March 8, 2020, uwa wau ew ai otutun fan pungun ennuK ORS 401.165 *et seq.* pwokiten ewe efeiengawen ewe watten samwaaU coronavirus (COVID-19).

Non March 12, 2020, uwa wau ai we Otutun No. 20-05, ewe a ennuK an epwe wor watten emwicheichen 250 aramas ika fen nap seni me non unusen ei sopw. Uwa pwan esinesin non unusen ei sopw an epwene kesipeno sukun non Oregon seni K-12 seni ewe March 16, 2020, ngeni March 31, 2020.

Non March 13, 2020, ewe President non Merika a otutuna ewe COVID-19 pwe a ew watten osukosuk ngeni unusen ei fonu.

Non March 16, 2020, Ewe Putain Tumunun Nonomwun Aramas a wau an ennuKun fansoun chuuno non ekkewe nenien tumwunun mei apwangapwang me ekkewe imw nenien tumwunun chinap. Ewe Pekin A kan Nemeni Angangen Tumwunun SamwaaU non Oregon a pwan ani ewe omwokut me non ewe pioingen Oregon (Oregon State Hospital) me ewe nenien aninisi ekkewe mei kan wor ar osukosuk non mokurer, iwe a pwan eukuku chon repwe tonong ika nomw non ewe pioing non Oregon. Ewe Putain Nemeni Ekkewe Ra kan Nomw Non Kanopwous non Oregon a eukatiw an epwe wor chon churi ekkewe ir mei nomw non imwen kanopwus.

Non March 17, 2020, uwa eukano an epwe wor emwicheichen aramas epwe nap seni 25, uwa pwan eukano an epwe wor no mongo non ekkewe nenien mongo non unusen ei sopw, iwe pwan sopweno ewe kesipen sukun tori ewe April 28, 2020. Ngang mei pwan opochokuna ngeni ekkewe sopai rese pwan nom fan nurun ewe ennuKun kesipeno ar repwe fori ewe angangen awora towawen nefinen emon me emon.

Non March 18, 2020, uwa eukatiw an epwe wor angangen pekin kaeo non nenien kaeo ren ekkewe sukun tekia tori ewe April 28, 2020.

Non March 19, 2020, uwa wau ai we Otutun nampan 20-10, mi epechukuna ngeni me menei an epwe wor isoisen ekkewe sokkun pisekin tumunun inisin chon angangen pekin pioing me ekkewe bed non pioing, utiwitinon sakkun angangen

pekin pioing ese atapwanapwan, fengen me eukuku an epwe wor chon churi mi semwen non ekkewe imwen safei.

Non ewe March 22, 2020, uwa wau ai we ennuken non ekis mochomochen fansoun fan iten an esapw wor an ekkewe sou imw angangen atou ika awora taropwen an ekkewe chon nonnomw non ar kewe imw repwe tou seni ar kewe nenien rent ren ar rese chiwen monatiw imwer kewe ika nenier kewe.

## **OTUTUN SENI KEPINA NO. 20-22 PAGE RUU**

Non ewe March 23, 2020, uwa wai ai otutun ngeni chon nonomw Oregon ar repwe "Omw nomwenong neimw mei anisi manawomw me meinisin", awenewen ngeni emon me emon ar repwe nomwonong non imwer kewe non ukukun ar tongeni, pwan otutuna pwe ekkoch nenien sopai repwene kesipeno, iwe epwe pwan wor ewe angangen atowawa nefinen emon me emon non ekkewe nenien aramas ese nifinin, tori pwan ai opochokuna an epwe wor sokkun ennuken ekkewe nenien tumwunun semirit.

Non ewe April 1, 2020, uwa awora ai we ennuken non ew mwochomwochen fansoun fan iten an esapw wor an ekkewe souimw repwe atou ika eukatiw an ekkewe chon nonomw non ar kewe neni ren nenien onnut an aramas me ekkewe neni esapw nenien onnut an aramas ren ar rese chiwen monatiw ar rent, fan iten an ekkewe aramas repwe tongeni nomw chok non imwer kewe resapw tou seni, me pwan fan iten an epwe tongeni wor met mongo me pisek met aramas repwe tufich seni non ei fansoun osukosuk.

Non ewe April 8, 2020, uwa esinesin pwe sukun repwene kesipeno tori ai uwa eukatiw angangen kaeo non nenien kaeo non ekkewe sukun tekia tori muchunon ei ierin sukun.

Non ewe April 15, 2020, uwa otutuna sokkun met angangen tumunun aramas sipwe fori me non nenien chufengenin aramas, me pwan fori an epwe mecheres mokutukutun angangen ach muun non ei osukosuk ei COVID-19.

COVID-19 mei tongeni an epwe awora watten semwenin ammat iwe mei fen tongeni an epwe napeno iwe emon mei tongeni mano ren. Ewe Pekkin Tumwunun Samwau non Fonufan a kuna pwe ei COVID-19 ew watten samwau mei efeiengawa unusen fonufan. COVID-19 e cheu fetan seni aramas-ngeni-aramas ren ar moor, mwesi, me nomw arapakan ngeni emon, pwan pachenong omw attapa ian ewe menuun samwau mei nomw won murin ka atapa awom, pwotum, ika mesom.

Ach kewe nenien tumwunun pekin samwaaun non ei sopw ra ourourakich pwe ei menun samwaaun mei chok morokukun fetan non neni me neni iwe ukukun aramas epwe torir ei samwaaun mei chok nanapeno. Ikenai, a wor ukukun 2,354 aramas mei nomw rer ei samwaaun, 92 ra mano me non Oregon, nge a nap seni ukukun 50,000 non unusen ei fonu merika. Efeiengawen angangen ach sipwe aninis ren angangen echikara ei COVID-19 esapw tongeni wes ika pwe sisapw sopweno ach angangen epeti, sipwe sopweno ach angangen amonata non ach kewe nenien tumwunun samwaaun, ren ach kokotun ekisano ach kewe enukun keukunon sokkun omwokut non ekkei fansoun.

Ewe otutunen awora towawen nefinom me emon, me ewe "Omw nomwenong neimw mei anisi manawomw me meinisin", me ekkewe ekoch omwokut sia fen affatatiw me asan ir mei anisi manganon an epwe cheunon ei COVID-19 non Oregon. Keukunon an esapw wor aean ekkewe pisekin tumwunun inisin chon angangen pioing (PPE) ren ekkewe maas me ufeufen chon pioing, mei namwot fan iten an epwe anisi annafen ekkewe pisek (PPE) non fansoun angang ngeni ekkewe ra torir ei COVID-19. Iwe pwan pachenong, eukuku meinisin met ese namwot

## **OTUTUN SENI KEPINA NO. 20-22 PAGE UNUNGAT**

ren chon repwe chuto non pioing ika ekkewe nenien safei, iwe pwan cheki chon meinisin chon chuto, mei chok chiwen namwot an epwe fis pun epwe anisin tumwunun ekkewe chon angangen non ekkewe nenien safei ar resapw mecheres ne torir ei COVID-19.

Unusen non ei fonuen merika nafangawen nenien safei a ew watten osukosuk, nge non ei sopw iwe mei ianan ach kewe pioing me ach kewe pisekin epeti inisin ekkewe chon angangen pioing (PPE). Oregon iei a nomw non ei kinikinin ika sipwene toneni pwan pwoputani sefani ach angangen anisi met sokkun samwaaun ese atapwanapwan, nge sipwe chok sopweno ne fiti ekkewe ourour seni ach iwe pekin Tumwunun Angangen Pekin Pioing, ren an epwe anisi angangen epeti me amonata ren ei COVID-19 fan ach sipwe achocho ngeni tumwunun ukukun repwe tongeni nomw non ach kewe pioing me pwan an epwe naf ach kewe pisekin chon angangen pioing (PPE).

## **REN EI WEWE, A KAWOR EI OTUTUN PWE:**

Pwopusefanin Sokkun Angangen Pioing Ese Wor Atapwanapwanan

1. Fan pungun ORS 433.441(3)(a), (b), (d) me pwan (f), ORS 401.168(1), me pwan ORS 401.188(1)–(3):
  - a. Met sokkun angangen pioing rese atapwanapwan ren meinisin sokkun neni mei kan aea ekkewe pisekin chon angangen pekin safei (PPE), mei pachonong nge ese pwan kisikis seni, piong, ekkewe nenien reirei, nenien churi dokter (pachenong ekkewe nenien safei non ekkewe kukun neni, me pwan an chon sukun nenien safei), imwen aisa, ekkewe pioing ika nenien tumwunuw maan, resapw fis ika pwe rese fiti ngeni ekkewe ururun met repwe fori mei affat non teten 1(b) non ei Otutun.
  - b. Non ika murin May 1, 2020, met sakkun angangen pioing ese atapwanapwan non nenien safei meinisin mei menei aean ekkewe pisekin chon angangen pioing (PPE) mei mumuta, nge epwe chok ika pwe ir mei fiti ekkewe ourour mei katou seni ewe Pekin a Nemeni Angangen Tumwunun Samwaaun non Oregon.
  - c. Ewe Pekin a Nemeni Angangen Tumwunun Samwaaun non Oregon epwe awora kapasen eureur ren ifan sokkun angangen mumutan non teten 1(b) non ei Otutun esapw mang seni May 1, 2020, nge mei pwan tongeni epwe pwan ekkesiwini ekkena kapasen eureur, ren met mei namot epwe ekkesiwin me non. Ren sokkun kapasen eureur ka tongeni kuna me won <https://govstatus.egov.com/OR-OHA-COVID-19>.

**OTUTUN SENI KEPINA NO. 20-22**  
**PAGE RUANU**

- d. Nupwen epwe wor angangen fori ekkena kapasen eureur ren fan iten teten 1 non ei Otutun, ewe pekin a Nemeni Angangen Tumwunun Samwaaun me non Oregon epwe pwan pachenong kapasen non ewe ennukei mei foruta meren ewe Mwich ra kan wisen awora Kapasen Eureur ren Pekin Safei ika nenien Safei.
2. Ese wor met masowen non ei Otutun mei ennukei aean ekkewe PPE ar repwe anisi angangen echikara chon samwaaun ren ei COVID-19.

Eukano chon chuuto pioing ese kon namwot

3. Fan pungun ennuK ORS 433.441(3)(a), (b), (d) me (f), ORS 401.175(1), ORS 401.168(1), me ORS 401.188(2), uwa sopweno ai finata ewe pekin a kan Nemeni Angangen Tumwunun SamwaaU non Oregon an epwe awora kapasen eureur, sokkun met mei menei an epwe pwan ekkesiwin non fansoun me fansoun, fan asengesin an epwe keuk chon repwe chunong non ekkewe nenien safei, anongonong won met mei ururoch repwe fori an epwe anisi tumwunun mei semwen me ekkewe chon angangen non ekkewe nenien safei, an epwe ekisano cheunon ei COVID-19. Ekkena kapsen eureur ka tongeni kuna me won <https://govstatus.egov.com/OR-OHA-COVID-19>.

Manamanen ei Otutun No. 20-10.

4. Otutun Seni Kepina 20-10 (tumwunun PPE) a katano non May 1, 2020, iwe a ekkesiwin ngeni kapasen non ei Otutun Seni Kepina.

Epechekunan

5. Ei Otutun ew an ewe putain tumwunun samwaaU ennuK, fan nurun enneuk ORS 431A.005, iwe mei pwan tongeni epwe epechukeno usun a fen mumuta fan nurun ennuK ORS 431A.010. Iwe pwan chiechian, ion aramas epwe uu ngeni ika atai met masowen ei Otutun epwe angei chapen an tipis usun a fen awewetiW me non ennuK ORS 401.990.
6. Ei Otutun a foruta fan an Kepina pochokun non pungun ennuK ORS 401.165 ngeni 401.236. Fan pungun ennuK ORS 401.192(1), kapasen non ei Otutun meinisin a wor pochokunan an epwe tou usun ew ennuK, sokkun ennuK meinisin mei wor repwe mwo komorono pochokuner non ei fansoun fan pochokunen ewe Kepina non ei fansoun osukosuken ei samwaaU.

**OTUTUN SENI KEPINA NO. 20-22  
PAGE NIMUW**

Ei Otutun a poputa pochokunan, iwe epwe sopwosopwono tori an Kepina epwe eukatiw.

A foruta me at Salem, Oregon non ei 27<sup>en</sup> ranin April, 2020.

---

Kate Brown  
KEPINA

ANNETATA:

---

Bev Clarno  
MEINAPEN PUTAIIN MUUN